

# Daryo.uz - “Ўзкимёсаноат” коррупцияга қарши кураш соҳасидаги энг нуфузли халқаро стандарт сертификатига эга бўлди

// 16.06.2025

<https://uzkimyosanoat.uz/uz/press/about-us/daryo-uz-uzkimyosanoat-korruptsiyaga-qarshi-kurash-sohasida-gi>

## “O‘zkiyosanoat” korrupsiyaga qarshi kurash sohasidagi eng nufuzli xalqaro standart sertifikatiga ega bo‘ldi

Mamlakatimizda korrupsiyaga qarshi kurashish borasida amalga oshirilayotgan keng qamrovli islohotlar yangi bosqichga kirdi. Davlat siyosatida shaffoflik, xolislik va mas’uliyatli boshqaruvni ta’minlash maqsadida iqtisodiyotning barcha sohalarida xalqaro standartlarga muvofiq tizimlar joriy etilmoqda.

Shu nuqtai nazardan, “O‘zkiyosanoat” aksiyadorlik jamiyatida ham korrupsiyaga qarshi samarali boshqaruv tizimi shakllantirildi.



Мамлакатимизда коррупсияга қарши курашиш борасида амалга оширилаётган кенг қамровли ислохотлар янги босқичга кирди. Давлат сиёсатида шаффофлик, холислик ва масъулиятли бошқарувни таъминлаш мақсадида иқтисодиётнинг барча соҳаларида халқаро стандартларга мувофиқ тизимлар жорий этилмоқда.

Шу нуқтаи назардан, “Ўзкимёсаноат” акциядорлик жамиятида ҳам коррупсияга қарши самарали бошқарув тизими шакллантирилди.

Жамият “CERT International” халқаро академияси томонидан муваффақиятли аудитдан ўтиб, коррупсияга қарши кураш соҳасидаги энг нуфузли халқаро стандарт — ISO 37001:2016 сертификатига эга бўлди.

Жорий йилнинг 12-июн куни "Ўзкимёсаноат" АЖда мазкур сертификатни топширишга бағишланган тадбир бўлиб ўтди. Унда "CERT International" халқаро академияси раҳбари Риад Ибрагимов, "Ўзкимёсаноат" АЖ раҳбарияти ва ходимлар иштирок этди.

ISO 37001:2016 – бу коррупцияга қарши бошқарув тизимини жорий этиш, ишлатиш, кузатиш, таҳлил қилиш ва такомиллаштириш бўйича халқаро кўрсатмалар ва талабларни белгиловчи стандарт. У ташкилотларга ички ва ташқи коррупцион хавфларни аниқлаш, уларни олдини олиш ва самарали бошқаришга кўмак беради.

Сертификатни қўлга киритиш нафақат ташкилотда шаффоф бошқарувни йўлга қўйиш, балки унинг инвестициявий жозибадорлигини ошириш, халқаро ҳамкорлар ишончини мустаҳкамлаш ва глобал бозорда рақобатбардошлигини таъминлашга хизмат қилади. ISO 37001:2016 стандарти халқаро бизнесда иштирок этаётган компаниялар учун муҳим шартлардан бирига айланган.

Манба : [Daryo.uz](http://Daryo.uz) интернет нашри